

U G O V O R
o nabavci molersko-farbarskih, parketarskih i sl. radova

Zaključen između:

1. **Ustavni sud Bosne i Hercegovine**, ul. Reisa Džemaludina Čauševića broj 6/III Sarajevo, koga zastupa Mirsad Ćeman, predsjednik Ustavnog suda BiH, u daljem tekstu: **Naručilac**,

i

2. „**KOLINVEST**“ d.o.o Sarajevo, ID broj 4200226040009, kojeg zastupa Latif Kolak, direktor (u daljem tekstu: **Izvođač**),

Član 1.

Predmet ovog ugovora je nabavka izvođenja molersko-farbarskih, parketarskih i sl. radova za potrebe **Naručioca** radova, prema definisanim uslovima iz tenderske dokumentacije broj P3-503 /15 od 9. novembra 2015. godine i prema sadržaju ponude broj 151/15 od 18. novembra 2015. godine sa kojom je **Izvođač** radova učestvovao u provedenom postupku konkurentskog zahtjeva za dostavljanje ponuda.

Član 2.

Izvođač radova se obavezuje da će blagovremeno i kvalitetno okončati radove iz člana 1. ovog Ugovora, te se obavezuje da će se odazvati svakom pozivu na reklamaciju radova i o svom trošku otkloniti sve nedostatke nastale vlastitom greškom, a najkasnije u roku od 10 dana po pismenom zahtjevu **Naručioca**.

Ako **Izvođač** radova ne otkloni nedostatke u određenom roku, tada **Naručilac** ima pravo bez posebnog upozorenja i saglasnosti angažovati drugu firmu o trošku **Izvođača** radova.

Izvođač radova ne odgovara za bilo kakva fizička i druga oštećenja koja prouzrokuju treća lica nakon predaje radova.

Član 3.

Naručilac će na ime izvršenih ugovorenih radova iz člana 1. ovog ugovora **Izvođaču** isplatiti:

Cijena bez PDV-a 7.362,21 KM

Iznos PDV-a 1.251,58 KM

Cijena sa PDV-om 8.613,79 KM

Ukoliko se tokom izvođenja radova ispostavi da je potrebno izvršiti radove navedene u varijanti II iz tenderske dokumentacije i ponude **Izvođača**, **Naručilac** će izvršiti uplatu prema cijeni ponude **Izvođača** iz člana 1. ovog ugovora za tu varijantu.

Član 4.

Nadzor, kontrolu i sačinjavanje zapisnika o završetku radova iz člana 1. ovog Ugovora vršit će Služba za zajedničke poslove institucija Bosne i Hercegovine (u daljem tekstu Nadzorni organ).

Član 5.

Naručilac povjerava a Izvođač radova preuzima obavezu da će stručno i kvalitetno izvesti radove definisane tenderskom dokumentacijom i Ponudom Izvođača, u prostorijama Ustavnog suda Bosne i Hercegovine u Sarajevu, u skladu sa važećim tehničkim normativima i standardima i to od svog materijala i sa svojom radnom snagom.

Prilikom izvođenja radova Izvođač radova je dužan da upotrebljava materijal i opremu kvaliteta koji odgovaraju standardima i koji je prethodno pregledao i odobrio Nadzorni organ, da preduzme sve mjere vezano za sigurnost objekta, opreme i zaposlenika Naručioca, zatim prolaznika, saobraćaja, okolnih prostora i objekata, vlastite opreme i slično, te da primjenjuje mjere zaštite na radu i zaštite od požara i eksplozije.

Član 6.

Naručilac radova se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po prijemu radova bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Izvođač radova je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 7.

Izvođač radova se obavezuje da će radove koji su predmet ovog Ugovora izvesti u skladu sa svojom Ponudom i uslovima iz tenderske dokumentacije Naručioca, a najkasnije do 25. decembra 2015. godine.

Član 8.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima.

Član 9.

Sve eventualne sporove ugovorne strane će riješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 10.


Ovaj ugovor stupa na snagu danom potpisivanja od obje ugovorne strane.


Član 11.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Za Izvođača:

Latif Kolak
Direktor

Za Naručioca:

Predsjednik Ustavnog suda BiH



The seal of the Constitutional Court of Bosnia and Herzegovina is circular. It features the coat of arms of Bosnia and Herzegovina in the center, which consists of a triangle with a sunburst and a crescent moon. The text around the seal reads "BOSNA I HERCEGOVINA" at the top, "УСТАВНИ СУД БОСНЕ И ХЕРЦЕГОВИНЕ" in the middle, and "BOSNA I HERCEGOVINA" at the bottom.

Broj: 01-376/15
Datum: 03. 12. 2015

Broj: P3-503/15
Datum: 2. 12. 2016.